

## Հ Ա Շ Վ Ե Տ Վ Ո Ւ Թ Յ Ո Ւ Ն

2017թ. հունիսի 14-ից 16-ը Մինսկ (Բելառուսի Հանրապետություն) Հայաստանի Հանրապետության բնապահպանության նախարարի առաջին տեղակալ պարոն Էրիկ Գրիգորյանի գործուղման վերաբերյալ

### 1. ԳՈՐԾՈՒՂՎԱԾ ԱՆՁ

Էրիկ Գրիգորյան

### 2. ԶԲԱՂԵՑՐԱԾ ՊԱՇՏՈՆԸ

ՀՀ բնապահպանության նախարարի առաջին տեղակալ

### 3. ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏԸ

Մինսկ (Բելառուսի Հանրապետություն)

2017թ. հունիսի 14-ից 16-ը

### 4. ՀՐԱՎԻՐՈՂ ԿՈՂՄԸ

ՄԱԿ-ի Եվրոպական Տնտեսական Հանձնաժողով

### 5. ՆՊԱՏԱԿԸ

Մասնակցություն ՄԱԿ-ի ԵՏՀ «Անդրսահմանային համատեքստում շրջակա միջավայրի վրա ազդեցության գնահատման մասին» (Էսպո) Կոնվենցիայի Կողմերի 7-րդ և «Ռազմավարական էկոլոգիական գնահատման մասին» (ՌԷԳ) Արձանագրության 3-րդ հանդիպումներին:

### 6. ՔՆՆԱՐԿՎԱԾ ՀԱՐՑԵՐՆ ՈՒ ԱՐԴՅՈՒՆՔՆԵՐԸ

Նիստը սկսվեց բարձրաստիճան պաշտոնյաների բացման հանդիսավոր արարողությամբ: Կողմերը ընտրեցին «Անդրսահմանային համատեքստում շրջակա միջավայրի վրա ազդեցության գնահատման մասին» (Էսպո) կոնվենցիայի Կողմերի 7-րդ և «Ռազմավարական էկոլոգիական գնահատման մասին» (ՌԷԳ) արձանագրության 3-րդ Կոնֆերանսի բարձր մակարդակի հատվածի համանախագահներին՝

Բելառուսի Հանրապետության բնական ռեսուրսների և շրջակա միջավայրի պահպանության նախարարի առաջին տեղակալին և Բուլղարիայի Հանրապետության շրջակա միջավայրի և ջրային ռեսուրսների նախարարին:

Բարձրաստիճան հատվածի օրակարգով.

- ներկայացվեց և քննարկվեց զեկույց՝ Էսպո կոնվենցիայի և ՌԷԳ արձանագրության դերը Կայուն զարգացման նպատակներին հասնելու համար: Զեկույցը ընդունվեց ի գիտություն:

- բանակցային խումբը մասնակիցներին ներկայացրեց տեղեկատվություն քաղված դասերի և գոյություն ունեցող խնդիրների վերաբերյալ՝ կապված Կոնվենցիայի, մասնավորապես ՌԷԳ արձանագրության իրականացման հետ, կլիմայի փոփոխության դեմ պայքարի ազգային գործողությունների ծրագրի մշակման համար:

- Բարձրաստիճան հատվածի օրակարգի հաջորդ կետով նախատեսված էր Կողմ երկրների նախարարների հայտարարությունները, Հայաստանն իր հերթին հանդես եկավ հայտարարությամբ (կցվում է):

Հաջորդիվ օրակարգով ընդունվեցին հետևյալ որոշումները.

- աշխատանքային պլանի հաստատման մասին (Հայաստանը առաջարկեց աշխատանքային պլանում կատարել փոփոխություն՝ ՌԷԳ արձանագրության իրականացումը կապված ոլորտի ընտրության հետ),
- բյուջեի, ֆինանսական միջոցների և ֆինանսական աջակցության մասին,
- Կոնվենցիայի և Արձանագրության հետագա կիրառման համար ռազմավարության և գործողությունների պլանի մշակման մասին,
- Կոնվենցիայի իրականացման վերաբերյալ հաշվետվությունների ներկայացման և ամփոփման մասին,
- ատոմային էներգետիկայի գործունեության ոլորտում Կոնվենցիայի կիրառման մասին,
- Արձանագրության իրականացման վերաբերյալ հաշվետվությունների ներկայացման և ամփոփման մասին,
- Արձանագրության համապատասխանության քննարման մասին:

Ժամանակի սղության պատճառով բարձրաստիճան հատվածի ընթացքում Կոնվենցիայի համապատասխանության որոշման նախագծի (VII-2) քննարկումները չեն ավարտվել: Այն (VII-2 որոշման նախագիծը) վերաբերվում էր նաև Հայաստանին: Ի տարբերություն այլ երկրների, Հայաստանն իր հերթին կատարել է Կոնվենցիայի նախորդ Կողմերի հանդիպման VI-2 որոշումը:



Կողմերի կոնֆերանսը ի վերջո որոշեց մեկ տարի հետո կազմակերպել արտահերթ Կողմերի հանդիպում ժնևում՝ Կոնվենցիայի համապատասխանության VII-2 որոշումը քննարկելու նպատակով:

Տեղի ունեցան պաշտոնյաների ընտրություններ Կոնվենցիայի աշխատանքային տարբեր մարմիններում: Հայաստանի ներկայացուցիչը կընդգրկվի Բյուրոյի կազմում:

Դանիան հայտարարեց, որ վավերացնում է երկրորդ հավելվածը, ինչով այն ուժի մեջ է մտնում անկախ Հայաստանի կողմից վավերացման: Երկրորդ հավելվածը ուժի մեջ կլինի սույն թվականի սեպտեմբերից, ինչի հետ կապված անհրաժեշտ է համապատասխան պետական մարմինների հետագա գործողությունների վերաբերյալ քննարկումների անցկացում:

Հանդիպման ավարտին ընդունվեց Մինսկի Հռչակագիրը:

ՀՀ բնապահպանության նախարարի առաջին տեղակալ



Է. Գրիգորյան